

清夢外史精

卷一百七十九至卷一百八十

弟
九
十
一
冊

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料一百七十九

光緒二十九年十一月上

目錄

駐藏大臣裕綱致外部達賴剛愎不仁恐激大變電十一月初二日

使日楊樞致外部日俄協約勢將決裂頃日已備戰電初二日

諭外部韓人過江逞兇着傳諭許台身照會韓廷嚴禁初二日

直督袁世凱致外部日俄將決裂聞日艦已往旅順電初四日

使俄胡惟德致外部報再催俄國踐約撤兵電初八日

使日楊樞致外部日俄協約未議安日已備戰電初八日

江督魏光燾致外部日俄交涉勢將決裂請示方略電初八日

直督袁世凱致外部日俄開仗我應守局外祈核示電初九日

日使內田致外部大冶礦局借款合同請飭訂定節略十一日

駐藏幫辦桂霖奏西藏禍機已稔鉅費將開亟籌變計以祛後患摺

十五日

呂海寰袁世凱張之洞伍廷芳盛宣懷奏美國商約定議遵旨畫押

摺附商約及附件照會十六日

清季外交史料卷一百七十九

男希隱亮編

黃巖叟夫王彥威輯

孫孝章敬立校

駐藏大臣裕綱致外部達賴剛愎不仁恐激大變電

竊查藏事情形每遇諮商邊務達賴並不作主全交公所聚議而庶類
龐雜解人甚少且無敢言和者緣番規議事人凡係遷就洋務必處以
極法因而衆人規避重罰遇事但附和一詞達賴則剛愎不仁毫無閱
歷只崇信護法降神前失隆圖亦爲護法所悞今仍其習不改現將噶
布倫斥革囚繫又繫公所三人番官人人自危於是有力阻藏臣赴邊

者有決計以兵力共禦英人者有以派噶布倫爲無益者其外貌甚似忠於唐古忒其居心實願英人入藏得各保其身家達賴不悟一味夜郎自大於國恩深重不知於藏臣保衛苦心更不知徒以反側之言是聽倚爲心腹是藏印交涉一事在達賴不至一敗塗地不悟在公衆不至激成大變不休鋼自去年五月迄今開導不止百回番等並無絲毫轉移昨因邊信緊急復傳僧俗等類十人來署痛切開陳利害自酉至亥該番等詞仍桀驁並無一人醒悟者鋼身任藏事勞瘁何辭但番局若是大局實不堪設想應請瀝情代奏十一月初二日

使日楊樞致外部日俄協約勢將決裂頃日已備戰電

前探得日俄協約內有二要款一朝鮮全歸日本保護二駐東三省俄

兵止許足敷保護鐵路東三省作爲通商地權仍歸中國曾於二十四
密函縷述嗣又探得俄已答覆不允照辦但其中底蘊無從深悉邇來
日民多主拒俄人心浮動昨日元老伊簾等在桂相府密議竟日又聞
海軍將佐已集都城聽候調遣兵米購定四十萬擔窺此情形戰恐難
免正擬電達適奉卅電又往詢外部據小村云俄確有答覆現未便明
言及時自當布告以愚見無論日俄如何定議均不利於我惟有自定
主見及早籌備而已十一月初二日

諭外部韓人過江逞兇着傳諭許台身照會韓廷嚴禁
上諭長順等奏稱本年五月間韓警務官李敬順俞振浩等帶兵過江
擅設鄉約意欲管理越墾韓民向阻觸怒持刀逞兇八月十九日茂山

城韓兵率衆渡江強刈禾稼並在對江開礮攻擊練會佃民驚避現經咨會駐韓使臣查辦等語吉林與韓國劃江爲界疆理分明以邦交而論自應各遵約束務使兵民相安何得縱令肆擾着外務部即行傳諭駐韓使臣許台身照會該國政府嚴行查禁以遏亂萌而敦睦誼將此諭令知之十一月初二日

直督袁世凱致外部日俄將決裂聞日艦已往旅順電

據楊使電稱風聞日本兵艦十八艘昨夜由佐世保往旅順乞就近確探云近日人密告日俄協約難就七八成將有戰事楊使此電似非無因俄日果裂我應照會俄日使不許在華境構兵伊必不聽即聲明自守局外但兩大交訐須防侵軼現應密籌餉械以便屆時布置祈預告

留意十一月初四日

使俄胡惟德致外部報再催俄國踐約撤兵電

陽電遵達切催據稱未接雷電仍一味推諉阿列告以不論有無雷電
本國照會應請轉陳俄主諭催雷阿伊始允將所交電稿代呈又將俄
不應違約背理偏聽武員橫生枝節損我主權與人口實等語婉諭至
再并言前約不踐現議難信如有所商務先踐約伊但允請示俄主情
形可憤日俄商議恐需時日竊慮商定以前俄兵決無撤意即商定後
尙無把握日以戰備相持俄尙堅梗空言更無實效束手焦灼

十一月初八日

使日楊樞致外部日俄協約未議妥日已備戰電

昨晚小村邀樞至外部密語云朝鮮滿洲於日本利害攸關朝鮮尤甚

故與俄協約內二要旨一朝鮮仍歸獨立日本現享利權俄不得侵佔一滿洲權仍歸中國不許他國侵奪此節英美所見皆同即俄亦向有此語是以請俄立盟以昭信守俄初覆謂朝鮮之事可從惟滿洲與日本無關約內須聲明日本不得干預日政府不允俄又改爲專約朝鮮不提滿洲日政府仍執前議再請俄熟思現尙未議妥然日政府立意甚堅海陸軍均齊備靜候俄覆並望貴國始終堅持定見幸勿游移等語應否轉奏請酌奪並電北洋十一月初八日

江督魏光燾致外部日俄交涉勢將決裂請示方略電
本日接到日本駐滬領事小田切密電稱頃奉本國外部大臣小村印飭日本政府夙爲維持東方和局暨滿洲朝鮮事宜起見屢經向俄交

涉日本政府主意始終不渝告以管轄滿洲之清國國家之權及朝鮮
國家主權日俄兩國必須尊重之又日本中日約在滿洲應得之利權
俄國並不得阻礙等語極力婉商無所不盡詎俄迄今不肯聽從並且
不肯將滿洲案情與別國協商在日本政府以事關東方大局且所商
事宜本與俄國屢次自經聲明者相同而今拒不允日本豈容甘從除
再向俄國求其反省外業飭在華欽使內田速將前情面達慶邸並告
自今以後緊要情形必當隨時奉聞以資考量等語因此即飭該總領
事即將前因密陳南洋大臣等因奉此遵卽印電袁制軍密照切叩麻
云云查此事關繫甚大應如何應付想蓋籌早有成算即求指示方略
以便遵行速覆爲叩十一月初八日

直督袁世凱致外部日俄開仗我應守局外祈核示電

迭接江督電稱俄日有役我居局中固難局外似亦不妥兩害取輕願聞其略等語日俄開戰後日船在各口購備物件宜如何應付日議爲中國主權我恐未能脫然局外乞向樞府妥議速示又電囑飭北洋兵船分防江陰吳淞兩口當先徑覆以附俄則日以海軍擾我東南附日則俄分陸軍擾我西北不但中國立危且恐牽動全球日俄果決裂我當守局外如日船在各口購備戰物地方官應按局外公例行文詰阻如用兵力強辦我亦無可如何但不可由我接濟及由我明許至無論將來如何必須先從局外入手倘有不測因勢應付至北洋各船不足當大敵俄日交戰後或恐擄脅我船以相助宜先深藏內港相機調用

如泊口外適足餌敵招釁請審裁等語是否有當祈核政示遵

十一月
初九日

日使內田致外部大冶礦局借款合同請飭訂定節略

湖北大冶礦局籌借款項一事曾經盛宮保與小田切總領事妥爲商酌訂立草合同本大臣於本月十七日華歷十月二十九日與張宮保會晤時談及此事並詢及有無異見據答稱草合同大綱俱以爲然惟查按照草合同內所列辦法其借款本利於三十年限內深恐難於還清如能將日本鐵廠每年應購上等礦石定爲至少七萬噸倘或所出上等礦石不敷七萬噸可將次等礦石補足以抵上等礦石七萬噸之價則於限期以內本利還清確有把握實爲兩無窒礙倘於日本政府允照此議辦理則深願極力贊勸以期成全此事等語本大臣因立

即電達本國政府旋奉覆電內稱此議儘可允行惟本國鐵廠現在堆存礦石尙多故於明治三十七年內仍照原定章程購買六萬噸可將此節另備照會聲敘明白至於張宮保謂上等礦石不敷七萬噸則以次等礦石補足一節似不必多慮蓋因盛宮保曾允定購上等礦石十萬噸可見大冶鑛山每年所出上等礦石斷不至少於七萬噸由是觀之張宮保所言以次等礦石補足云云似無庸敘列等因當於本月二十二日華歷十一月初四日派鄭參贊將上開外務大臣覆電之意轉達張宮保並面陳既經日本政府允照此議而定雖稍有參差於大致無甚出入請其從速贊成當承張宮保應允卽行照此電達盛宮保矣本大臣乃聞此事現在外務部核議因該草合同內第二條列有抵押

一節似以爲將大冶鑛局全行讓給於我國者如果誠然實屬誤會之甚者也蓋此次議定大冶鑛局借款按照大冶鑛局所需款項之數先行攏統交出即按我國鐵廠所需礮石每次購運之價折算扣還限期屆滿本利一律還清則合同內所列還款抵押自亦一併作廢查始而小田切總領事與盛宮保商議借款未曾一字提及將該鑛局讓出等語草合同亦無近似之條其還款年限及籌還辦法草合同內條列明晰可以稽考但借款由借主指某物作爲抵押是屬通例中國向由外國借款無不指定抵押之物然則此次大冶鑛局指該局所屬若干產業作爲抵押亦屬循例之事似不得以此通例抵押視爲讓給之據此次草合同既經由盛宮保負責訂定似未便因此誤會以致功敗垂成

倘蒙貴王爺俯察以上情節迅即飭令電達盛宮保准其將正合同畫押訂定實爲公便惟希貴王爺鑒照望切施行十一月十一日

駐藏幫辦桂霖奏西藏禍機已稔鉅釁將開亟籌變計

以祛後患摺

駐藏幫辦大臣桂霖奏爲西藏禍機已稔鉅釁將開用兵旣力有難爲亟籌變計以祛後患事竊維藏事至今本已無可爲謀奴才恭承恩命畀以幫辦雖明知萬不可爲敢不勉力揅持冀裨萬一前摺撮舉大要條奏三端奉旨與錫良有泰詳細會商妥籌奏明辦理等因欽此已由錫良主稿覆奏奴才亦將擬仿湘軍營制部署大略恭摺具陳可否之處聖明自有權衡何敢再三煩瀆惟查錫良歷述用兵之難至謂師未

行而激之變患未拯而速之亡老成深識至當不易奴才雖愚敢不俯首夫練兵震懾不過暫救目前冀圖力挽外人強來干預正不可知現聞達賴業將前獲英民戕斃故違詔諭挑釁已成是師未激而變已先患未拯而亡亦速也夫力使貼服既苦不能坐待淪胥抑又不可後顧將來其患方大總總顧慮更有不能已於言者敢竭愚忱瀆陳聖鑒伏查藏部本屬羈縻當年不惜勞費竭力經營者非倚以屏蔽川疆實借以牢籠蒙古我朝龍興遼瀋得蒙古最先亦視蒙古最重顧開創之始滿蒙雖爲一體心志究尙參差列聖深維久遠將欲長此綏懷必當馴以銜勒因蒙古佞佛遂闡揚黃教使之頂禮喇嘛束身佛法既降伏其頑獷之心更銷磨其鷙猛之氣此大聖人因勢利導默化潛移之深意